


NSILI OFE ZA A YE KOTE MA ?

Môse sondô éziñ, me nga bo ésulan a kobô mba Mejô me Zambe e beta nlam éziñ ya éfuse si njô bôt wua ya bejô bôt ya si Lesotho. Beta nsamba bôt a nga so a zu jaé ne lut, njô bôt émien a beyale bé bese be nga zu, amu be nga kômbô wô'ô Mbamba Foé. Mejô me Zambe me nga bo ngu a akab ane fa nsoñ é ne meyo mimfa'a mibaé, a me nga tulane dibi ya minlem mi bôt.

Eyoñ me kobôya mone nté, minga ôsu beta njô bôt nyô a nga taté yône ngul abui. Ate me na a nga tebe tetele, milik me lene nye mis a memañ ane mendim, ane a nga ke ôsu a yôn a jô'ô na: “Volô'ô ma, nge wo kañese, nleme wom ô ne mintaé, me ne étua éngôngole mô. **Za aye volô ma? Za a ne ngule ya kôté ma éto ôlo ji?** Me ne ngul ya bo za jame? Bôt bese ya nlam wu b'ayeme ma, me ne njôa minga nlam wu, afôla si di, minga ôsu njô bôt, ve me wô'ô ke étam étam ésulan meye'elan binga ba



bo. Den a nto bebé mimbu mewôm mela, ma ke bisulan nda Zambe, ve mam mete mese me nji volô ma, me nji bo ngul ya toé me nti, abé nde e ne njalan be ma. Me ne nso'o bilam. Me ne ñwôé bôt. Mo mam me ne mvin a évô, amu me ne avôle ya ke yame kpwata, ane bôt b'aye nyu nye môse sondô a jem. Amu mo mam a mebo mam me nto njalan a abé nalé, nde me ne de nkôm, ôlo y'abé, wu wo yiane ke ato'o nduan."

Ane a nga tabe si a beta yône ngu, tyiñe yôp a jô'ô na: "Za a ngul ya kôté ma? Za ane liti me zen ane me ne sa'ale melam ya abé? Ma nye'e Zambe, ve abé ki e to be ma, da ke da wo'otô ma si, a ke ma ato'o nduan. Me nga wé mone mon ôsu wom me nga biaé. Nté ôse me nga ke m'anyu meyok a ba'a me mvus, ve éyoñ me nga bo te fe fek, me nga wua nye bilo'éaté, amu me mbe étua mbilane bilam. Eyoñ menyu me nga mane me mis, me nga wô'ô minyôn a bôt befe be nga zu kate me na, mona fam wom a wuya, a nga li'i a wu vôm me nga wua nye bilo'éaté. Ko m'éngôngo, kôté'é ma mfa'a ya awu di. Mam ya bemvi'i me nji volô ma, a me se ngul ya nyi ma. Nkean bisulan nda Zambe ô se ngul ya kôté ma. Za a ye volô ma? Za a ye kôté ma?"

Ane me nga kui Kalate Zambe, a jô nye na: "Nyôn ya nlem wôé, nsili wôé a éyalan ya été, bi ne ntilan Kalate nyôna été ne sañesañ." Ane me nga lañe nye kalate Beromain 7:19-24. "Amu na, jam é ne mvaé, me akômbô, nde me ne te bo. Ve jam me ne te kômbô, nde me abo, mamien me nji fe bo de, ve abé e to be ma. Mfa'a wom ma kômbô bo mvaé, abé e to, ve me lô aval atin afe bibu'a ya nyôle jam été, nde da kame me na me bo te bo jam e ne mvaé mise me Zambe! **"Ngo'o engongole mot me ne za a ye va ma nyole ya awu di?"**

EYALAN


Ma ve Zambe akeva amu Jesus Christ tate wongan.

Jésus Nye étam a ne éyalan ya minsili miangan mise. Eyalan ya nsili wôé: Za a ne ngule ya kôté ma? Ja yené Kalate Beromain 7:24-25. Môt mfe a se ngule ya nyi bôt: amu a nji bo jôé afe si se be nga kate de bôt, ve jôé Jésus étam, bi ayiane yene ényin été. (Mam Minlôman 4:12). Jésus étam a ne ngule ya nyi bia mfa'a ya mam abé mangan. Metyi mé me nga kui croix, étam, me ne sôb abé dangan ése. Te ke Dokita, te ke Nsaé bôt, te ke Ngengañ nge mbiebiañ, te ke Nkate Foé, te ke Fata nge bisob, te ke mô to wua, te ke nda Zambe éziñ nge Kirke éziñ, é ne ngule ya nyi bia abé dangan a tañ étom jangan. Jésus étam, Mone Ntômba Zambe, A ne va bia abé dangan été, a sôb bia a metyi mé, a va bia vôm bi bô bewu, a nyi bia a ngul Mfufub Nsisim.

Jésus, Mona Zambe, a nga zu si nyô, ane a nga kui mis me ne ndim,

a va mimbôk nda meleb, a va ba be to dibi été nda mimbôk. (Esaie 42:6,7).
Jésus na: "Môt ase a bo abé a ne ôlo abé a Satan, ve nge Mon- (Mona Zambe) a ye bo mia beti, mi aye fo'o bo beti. (Jean 8:34-36). Jésus a ne benya mejô mme me a toé bia beti.

Jésus, Mônga Zambe, a nga nyoñ mam abé mangan mese nyôle jé été e croix. Abé denan ése é nto mbômélan croix yôb. A maneya di'i abé dangan a a maneya be'e alune dangan. Ve a mbe mbalan amu mintyamane metiñe miangan, a nga nyoñ bedu'i amu mbia be mam mangan; ébôme ya mvo'é jangan é nga to be Nye; a bi asaéban a minlune mié. (Esaie 53:3-7).



Nge mon (Jesus) a ye bo mia beti, mi aye fo'o bo beti. (Jean 8:36).

Barabbas a mbe étua beta mbo abé, ñwôé bôt, nye be nga tyi'i ajô dé na a yiane wu ntañ ya mam abé mé émien. A nga yiane tyebe croix, ve môs ôte, Jésus Nye a nga viane tyebe, a wu señ Barabbas, zemimfaka. Te ke môt mfe a mbe ngule ya jibi wu élé yôp, avale awu te, émien te étom, ve Jésus Mona Zambe étam. Zemimfaka ki, môt a nga yiane wu, a nga vian nyiñ a tabe nti, a wulu fili, amu awu Jésus.

O ne Barabbas ate. Ma'an ya abé me ne awu, ve mvean zesé ya Zambe ô ne ényiñ ya melu mese be Jésus Christ. Nge wo fombô croix Jésus Christ a mbunan, ô ne yene womien a mam abé môé mese mbômélan croix éte yôb. Jésus a nga nyoñ éto jôé, nde amu Metyi mé, ma me nga kui croix, ô nto ngul ya nyoñ njaman ya mam abé môé. Amu Zambe a

nga tulane nye'e wo, nde a nga ve de Atyi'i Mon dé na, ô bo te jañ, ve tabe nnôm éto ényiñ.

Eyoñ ékômba minga beta njô bôt nyô é nga mane wô'ô mejô mana mese, a nga bo avôle ya buni Jésus a ve Nye nlem wé, ngumba, Nyô a nga wu señ jé croix, a kuli metyi mé me ne édima, mme m'asôb minga nyô nlem, a va abé ése. A mbili Zambe mfuban nleme wé été, amu Zambe a veyá nye mféfé nlem, njalan a Mfufub Nsirim. Zambe a nji bo nye jame da ve na a jamé nye abé étam, A nga va fe nye éjôé y'abé si ava ava. Nde ataté éyoñe te, minga nyô a nto mvo'é, a mbili mekabe, a nto étua mfuban minga, mféfé ététéa jôm mis me Zambe. A tyi menyu mevale mese, a nji nyu ta'a, a nji ve nson, nalé fe a nji di aje'an, amu a nto mféfé ététéa e Christ Jésus été.

Wo fe, ane wo lañe kalate nyô, ô ñe ngule ya tabe éto nti be Jésus Christ. Jésus a jô na: "Za'ane be ma, mia bese mi awô'ô minjuk a kate mimbe'e, m'aye ve mia awo'an." Za'a be Jésus avale ése ô né a vôm ase ô né. Kate Nye abé dôé ése a minjuk miôé mise. A vo'o titane wo, nge wo ke be Nye a nlem nje'eban, ntya'an amu mejôbane ya mboan abé, njalan a mbunan. Eyoñ éziñ ô ne nnôme mô't ya Kirke, ve abé e bateya wo si. Za'a be Jésus, a ye toé wo fili été été. A ye yete akone dôé ése a saé wo aval ane A nga saé minzezam a mindindim. Jésus a ne avale da da, a saé minlem mi ne ntya'an a abé, a va minkôm mi yeme ab'é si, a toé alo beti. A vuan mbia be mam bi nga bo, a A jamé bia wo abé Ese, a yete akone dangan Ese. (Besam 103:3).

Nge ô veyá Jésus nlem wôé, tili'i bia. Bi aye simesane wo meye-elan été. Eyoñ éziñ bi ne ngul ya volô wo, nté biyoñ bi ngenan te kpwan, a meleb ya mejô ma!

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)